

3 Species Ecclesiæ ita habent: Ecclesia est vel triumphans, vel militans: illa nunc in cœlis cum Christo triumphat, & post resurrectionem plenum triumphum ager: hæc in terris sub Christi vexillo militat, & adversus inimicos internos & externos pugnat, respectuque nostri visibilis & invisibilis dicitur.

4 Visibilis est cœtus hominum externis & visibilibus modis, prædicatione scilicet verbi & sacramentorum communicatione gratosè evocatus, qui eandem fidem externè profiteretur.

5 Invisibilis est cœtus hominum electorum internè & efficaciter ad vitam æternam vocatorum, quorum electio & fides humanis sensibus non patet.

6 Affectio Ecclesiæ catholicæ sive universalis & invisibilis est immunitas à defectu totali & errore fundamētali: Visibilis verò & particularis contrà, non tantū error fundamētum fidei notabiliter inquinans, sed etiã exitialis & finalis defectio. Ecclesię enim catholicæ species vna, scilicet invisibilis militans, etsi in rebus levioribus, quæ non simpliciter ad salutem sunt necessaria, quæque fundamentum non concernunt, errare possit, tamen in fide penitus nõ aberrare, neque totaliter & finaliter deficere potest: